

## GOF CWRT

Dail masarnen dros y meysydd  
Cri yr hydd o odre'r pant  
Llef yr hebog yn yr hwyrnos  
Hol traed dwrgwn ar lannau'r nant.

Hydref ddaeth i Ddyffryn Cothi  
Cysgodion hir dan olau'r lloer  
Lludw lle fu tan yr efail  
Morthwyl segur ar yr einion oer.

Does dim gof ger Nant Gwasanaeth  
Does dim galw am ei waith  
Ffordd o fyw fel ffordd y porthmyn  
Wedi cyrraedd pen y daith.

Sŵn y carnau wedi cilio  
Sŵn llef eidion aeth i'r cof  
Lonydd distaw sydd yn arwain  
At hen efail oer y gof

Mab gof Cwrt yn gweithio'r rheilffordd  
Sy'n gadael creithiau dros y ddol  
Cledrau haearn sy'n ei gludo  
I'r dyfodol - ni ddaw'n ôl.